



孟蘭盆經疏新記標指鈔卷第五

湖北 沙門 單阿 纂校

經曰吾今當說救濟之法令一切難皆離憂苦

疏曰述曰今當說者正是許辭乃至汝母離苦

鼯鼠者註莊子三_{二十}六左曰鼯鼠深穴神丘之

下以避熏鑿之患矣○機者釋名七五左曰如

機之巧也亦言如門戶之樞機開闔有節也

經曰佛告目連十方衆僧七月十五日僧自恣

疏曰述曰梵語僧伽此云衆和合謂若衆而不

新記曰初翻名僧伽止翻為衆復伽乃至例之
衆者妙文勺一二四曰衆者天竺云僧伽此
翻和合衆一人不名和合四人已上名和合
矣首經二下十六注曰和則如水雜塵合則
如函與蓋矣○懺悔者華嚴疏鈔二十五二
曰然懺名陳露先罪悔名改往修來鈔懺者
梵云懺磨此云請忍悔即此方體是惡作狀
先過共求請三寶忍受悔過矣

疏曰七月十五日前三月或十四或十五十六等
新記曰初正釋安居通三位四月十六乃至引

安居者資持記上四二十曰形心攝靜曰安
要期在住曰居矣○三安居者行事鈔上四
十三曰就夏亦有二時初四月十六日是前
安居十七日已去至五月十五日名中安居
五月十六日名後安居矣○自恣者行事鈔
上四二十曰然九旬脩道精練身心人多迷
已不自見過理且仰憑清衆垂慈誨示縱宣
口訛於他人故曰自恣矣○南山者佛祖通
載十二二十曰南山律師道宣卒師京兆錢

氏父吏部尚書申母夢月輪貫懷而孕又夢
梵僧語之曰所孕者梁僧祐律師也處胎彌
十二月而生九歲徧覽群書十二善習文墨
十五師日嚴頽公十六誦法華十七落髮二
十依首師進具戒三衣唯布矣○四分律增
三者五十八三見○事鈔者上四二左見

疏曰自恣者自己之過恣他所舉乃至有之矣
大德者要覽上三曰律中多呼佛為大德矣
○長老者同日肇法師曰內有智德可尊故
名長老矣○瑠璃者名義集三三十七左曰此云

青色寶矣

新註曰初略示謂下廣釋又三初叙乃至所得

正像末者大部補注四十一左○金剛般若經
語者金剛注經上一三左○大集經中明五五
百歲者安樂集上二○涅槃經者會疏十一
六聖行品曰善男子譬如有人帶持浮囊欲
度大海爾時海中有羅刹即此人乞索浮
囊其人聞已即作是念我今若與必定沒死
答言羅刹汝寧殺我浮囊叵得羅刹復言汝
若不能全與我者見惠其半是人猶故不許

與之乃至善男子菩薩護持禁戒亦復如是
矣○犯十三者戒疏一下之十七曰僧有四重
尼有八棄以為初篇僧有十三尼有十七為
第二篇僧有百二十尼有二百八為第三僧
四尼八為第四篇僧尼同百為第五篇矣○
遮性者戒疏二上二十左曰言性惡者如十不
善體是違理無論大聖制與不制若作違行
感得苦果故言性惡是故如來制戒防初若
不制者業結三塗從本惡以標名禁性惡故
名為性戒言遮戒者如伐斫草木墾掘土地

處義麤醜不光俗信招世譏謗故名遮所言
遮者能遮正道故言遮惡矣行宗記一上十二
左○偏祖者首經一下十注曰祖肉祖也致
敬之極也西方俗儀見王者必肉祖示非故
有犯佛教亦隨此用矣

新記曰初正示故下引證夏竟入臘故云受歲

入臘者要覽下十七之右曰夏臘即釋氏法歲也

前安居入制至七月十五日為受臘之日矣

經曰具飯百味五菓及灌盆器香油乃至眾僧

供養者大論十十九之右曰供養有上中下於

者劣而供養之是下供養供養勝已_{是上供}
養供養與已_{等者}是中供養矣

疏曰述曰具飯百味者揔標也如人乃至聲也

百味者大論九十三_六曰有人云以百種養

供養是名百味有人云飲食種種備足故稱

為百味矣○卧具者華嚴疏鈔七十八_{十三}

曰菩提心者猶如卧具悉除生死諸勞苦矣

新記曰初至舌掌味塵也及下乃至非便思之

香油塗身者大論九十三_七曰問曰沙弥戒

悉至受一日戒尚不以香塗身云何以香供

養佛及僧答是菩薩以身所貴物隨所須時

用以供養或以塗地塗壁及行坐處矣○五

塵五欲者圓覺疏鈔九_{二十}曰五欲即色聲

香味觸也問欲應是心何言色等答瑜伽云

欲有二種一煩惱欲二事欲事即五塵今謂

心起合塵塵即名欲矣行事鈔下三_{十七}

新記曰初初貧富兩釋即下示其要義乃至引

尚書云者集註四_{二十}見○周身者行宗記

一上_六曰周身迷闇也矣

新記曰經標當此之日故云讚時後云乃至字

汪洋者註文選五十八二十曰汪洋焉洋洋焉
馬翰曰汪洋洋洋水深大負以此天德深廣
矣○威儀者春秋左氏傳十九三十曰有威
而可畏謂之威有儀而可象謂之儀矣

疏曰又摠束之不出入法為三學三乘乃至也

新記曰入法者法即三學入即三乘乃至評之

十地者四教義十初曰此通各地者一能生
成佛智慧住持不動二能以無緣大悲荷負
一切故各地矣唯識九十述記十本六大乘
義章十四四仁王科註中二○入寶所者疏

七二曰寶所有二義若用究竟則以極

果為寶所若分入即以初發心住為寶所矣

○天台戒疏者與滅註上一十六疏曰一欲

喜地二離苦三明四炎五難勝六現前七遠

行八不動九善慧十法雲矣○道德者要覽

上十八曰道德八正聖道七支戒德表裏具

足之稱也論衡云成名之謂道立身之謂德

矣○法華者授記疏文

疏曰皆同一心者是意和合乃至無異故云同

慙愧者金光明文句三三曰慙則慙天愧則

新記曰妙華光明即上界依報乃至故云略指
依報者三藏法數二十七二十日依謂依報
即世間國土也為身所依故名依報矣

經曰時佛勅十方眾僧皆先為施主乃至受食
疏曰前中咒願口業禪定意業受食身業後中
咒願者行事鈔下三二十日僧祇若為亡人
施福者應作是咒願一切眾生類有命皆歸
死隨彼善惡行自受其果報行惡入地獄為
善生天若能修行道漏盡得泥洹矣資持記
下三四十要覽上六十九日今呼念誦廻施也

十誦律云佛言應為施主種種讚歎咒願若
上座不能即次座能者作矣

新記曰律制比丘凡食必從淨人受不受自提

淨人者要覽下三十三日毗奈耶云由作淨業
故名淨人十誦律云瓶沙王見大迦葉自蹋
泥修屋王於後捕得五百賊人王問汝能供
給比丘當赦汝命皆願王遂遣往祇園充淨
人謂為僧作淨免僧有過故名淨人矣○波
逸提者戒疏下二十日十誦云此罪隨在
燒煮覆障地獄故云隨矣

疏曰塔者邊國訛語正云乃至舍利殿安佛像

塔者行事鈔下三十五雜心云有舍利名塔

無者名支提或名塔婆或云偷婆四分若起

塔者若圓若八角四邊作闌楯安香華著上

懸幡蓋物不得上矣法苑珠林五十十四名

義七五右○舍利者資持記下三二十曰舍利

梵語訛略具云室利羅此翻為身即人之遺

身或碎身或全身髮爪灰骨通号舍利矣首

經五上十二要覽下五十四右

疏曰述曰淨業既成必知離苦乃至其心已喜

刑獄者事物紀原十二曰獄者臯陶造獄矣

○財賄者爾雅註疏二十七曰賄財也矣

新記曰謂此教法被及無窮有同江河乃至通

流通者行願品疏鈔三二十曰道安和尚

人号寶印手菩薩科經合遠於親光立姓果

同於增一經無大小例開三分序正流通以

聖人說教必有其漸將演微言先彰由致故

云序分由致既彰當機授法故曰正宗正宗

既陳務開濟近益當時之會遠益未來之機

使千古洪規傳芳不絕故曰流通矣

畢鉢羅窟者西域記九

之左曰竹林國西南

方行五六里南山之陰有大石室是尊者摩

訶迦棄於此與九百九十九大阿羅漢如來

滅後結集三藏矣○阿難結集者大論二

曰復次欲令佛法久住世間故長老摩訶迦

葉等諸阿羅漢問阿難佛初何處說法說何

等法阿難答如是我聞一時佛在波羅奈國

仙人鹿林中為五比丘說是苦聖諦我本不

從他聞法中正憶念得眼智明覺是經是中

應廣說如集法經中說佛入涅槃時地六種

動諸河反流疾風暴發黑雲四起惡雷制電

雷雨驟隨處處星流師子惡獸哮吼喚呼諸

天世人皆大號咷諸天人等皆發是言佛取

涅槃一何疾哉世間眼滅當是時間一切草

木藥樹華葉一時剖裂諸須彌山王盡皆傾

搖海水波揚地大震動山崖崩落諸樹摧折

四面烟起甚大可畏陂池江河盡皆擾濁等

星晝出諸人啼哭諸天憂愁諸天女等喞喞

哽咽涕淚交流諸學人等嘿然不樂諸無學

人念有爲諸法一切無常如是天人夜叉羅刹捷闍婆甄陀羅摩睺羅伽及諸龍等皆大憂愁諸阿羅漢度老病死海心念言

已度凡人恩愛河老病死券已裂破

見身篋中四大蛇今入無餘滅涅槃

諸大阿羅漢各各隨意於諸山林流泉谿谷處處捨身而般涅槃更有諸阿羅漢於虛空中飛騰而去譬如鴈王現種種神力令衆人心信清淨然後般涅槃六欲夫乃至遍淨天等見諸阿羅漢皆取滅度各心念言佛日既

沒種種禪定解脫智慧弟子先亦滅度是諸衆生有種種嫉怒癡病是法藥師輩今疾滅度誰當治者無量智慧大海中生弟子蓮華今已乾枯法樹摧折法雲散滅大智象王旣逝象子亦隨去法商人過去從誰求法寶如偈說

佛已求寂入涅槃諸滅結衆亦過去

世界如是空無智癡真道增智燈滅

余時諸天禮摩訶迦葉足說偈言

耆年欲恚慢已除其形譬如紫金柱

上下端嚴妙無比 目明清淨如蓮華

如是讚已白大迦葉言大德迦葉仁者知不
佛法船欲破法城欲頽法海欲竭法幢欲倒
法燈欲滅說法人欲去行道人漸少惡人力
轉盛當以大慈建立佛法今時大迦葉心如
大海澄靜不動良久而答汝等善說實如所
言世間不久無智盲冥於是大迦葉嘿然受
請今時諸天禮大迦葉足忽然不現各自還
去是時大迦葉思惟我今云何使是三阿僧
祇劫難得佛法而得久住如是思惟竟我知

是法可使久住應當結集修妬路阿毗曇毗
尼作中二法藏如是佛法可得久住未來世人
可得受行所以者何佛世世勤苦慈愍眾生
故學得是法為人演說我曹亦應承用佛教
宣揚闡化是時大迦葉作是語竟住須彌山
頂搥銅搥椎說此偈言

佛諸弟子 若念於佛 當報佛恩 莫入涅槃
是搥椎音大迦葉語聲遍至三千大千世界
皆悉聞知諸有弟子得神力者皆來集會大
迦葉所今時大迦葉告諸會者佛法欲滅佛

從二阿僧祇劫種種勤苦慈愍眾生學得是法佛般涅槃已諸弟子知法持法誦法者皆亦隨佛滅度法今欲滅未來眾生甚可憐愍失智慧眼愚癡盲冥佛大慈悲愍傷眾生我曹應當承用佛教須待結集經藏竟隨意滅度諸來衆會皆受教住尔時大迦葉選得千人除去阿難盡皆阿羅漢得六神通得共解脫無疑解脫悉得三明禪定自在能逆順行諸三昧皆悉無礙誦讀三藏知內外經書諸外道家十八種大經盡亦讀知皆能論議降

伏異學問曰是時有如是等無數阿羅漢何以止選取千人不多取耶答曰頻婆娑羅王得道八萬四千官屬亦各得道是時王教勅宮中常設飲食供養千人阿闍世王不斷是法尔時大迦葉思惟言若我等常乞食者當有外道強來難問廢闕法事今王舍城常設飯食供給千人是中可住結集經藏以是故選取千人不得多取是時大迦葉與千人俱到王舍城耆闍崛山中告語阿闍世王給我等食日日送來今我等結集經藏不得他行

是中夏安居三月初十五日說戒時集和合僧天迦葉入禪定以天眼觀今是衆中誰有煩惱未盡應逐出者唯有阿難一人不盡餘九百九十九人諸漏已盡清淨無垢大迦葉從禪定起衆中手牽阿難出言今清淨衆中結集經藏汝結未盡不應在此是時阿難慚耻悲泣而自念言我二十五年隨待世尊供給左右未曾得如是苦惱佛實大德慈悲含忍念已白天迦葉言我能有力久可得道但諸佛法阿羅漢者不得供給左右使令以是

故我留殘結不盡斷耳大迦葉言汝更有罪佛意不欲聽女人出家汝慙勸請佛聽爲道以是故佛之正法五百歲而衰微是汝突吉羅罪阿難言我憐愍瞿曇彌又三世諸佛法皆有四部衆我釋迦文佛云何獨無大迦葉復言佛欲涅槃時近俱夷那竭城背痛四疊漚多羅僧敷卧語汝言我須水汝不供給是汝突吉羅罪阿難答言是時五百乘車截流而渡令水渾濁以是故不取大迦葉復言正使水濁佛有大神力能令大海濁水清淨汝

何以故不與是汝之罪汝去作突吉羅懺悔
 大迦葉復言佛問汝若有入四神足好修可
 住壽一劫若減一劫佛四神足好修欲住壽
 一劫若減一劫汝默然不答問汝至三汝故
 默然汝若答佛佛四神足好修應住一劫若
 減一劫由汝故令佛世尊早入涅槃是汝突
 吉羅罪阿難言魔蔽我心是故無言我非惡
 心而不答佛大迦葉復言汝與佛疊僧伽梨
 衣以足踏上是汝突吉羅罪阿難言余時有
 大風起無入助我捉衣時風吹來隨我脚下

非不恭敬故蹈佛衣大迦葉復言佛陰藏相
 般涅槃後以示女人是何可耻是汝突吉羅
 罪阿難言余時我思惟若諸女人見佛陰藏
 相者便自羞耻女人形欲得男子身修行佛
 相種福德根以是故我示女人不為無耻而
 故破戒大迦葉言汝有六種突吉羅罪盡應
 僧中悔過阿難言諾隨長老迦葉及僧所
 教是時阿難長跪合手偏袒右肩脫草屣六
 種突吉羅罪懺悔大迦葉於僧中手牽阿難
 出語阿難言斷汝漏盡然後來入殘結未盡

汝勿來也。如是語竟，便自閉門。尔時諸阿羅漢議言：誰能結集毗尼法藏者？長老阿泥盧豆言：舍利弗是第二佛，有好弟子，字憍梵波提，柔軟和雅，常處閑居住，心寂寞，能知毗尼法藏。今在天上尸利沙樹園中，住遣使請來。大迦葉語下座比丘：汝次應。僧使下座比丘言：僧有何使？大迦葉言：僧使汝至天上尸利沙樹園中，憍梵鉢提阿羅漢住處。是比丘歡喜踊躍，受僧勅命，白大迦葉言：我到。憍梵鉢提阿羅漢所陳說何事？大迦葉言：到已。語憍梵鉢提大迦葉等，漏盡阿羅漢皆會。閻浮提僧有大法事，汝可疾來。是下座比丘頭面禮僧，右遶三匝，如金翅鳥飛騰，虚空往到。憍梵鉢提所頭面作禮，語憍梵鉢提言：與善大德，少欲知足，常在禪定。大迦葉問訊有語。今僧有大法事，可疾下來，觀衆寶聚。是時憍梵鉢提心疑，語是比丘言：僧將無鬪諍事，喚我耶？無有破僧者，不佛自滅度耶？是比丘言：實如所言。大師佛已滅度，憍梵鉢提言：佛滅度，太疾，世間眼滅，能逐佛轉法輪，將我和上舍利。

佛今在何取答曰先入涅槃橋梵鉢提言太
師法將各自別離當可奈何摩訶目伽連今
在何所是比丘言是亦滅度橋梵鉢提言佛
法欲散大人過去衆生可憊問長老阿難今
何所作是比丘言長老阿難佛滅度後憂愁
啼哭迷悶不能自喻橋梵鉢提言阿難憊惱
由有愛結別離生苦羅睺羅復云何答言羅
睺羅得阿羅漢故無憂無愁但觀諸法無常
相橋梵鉢提言難斷愛已斷是以無憂愁橋
梵鉢提言我失離欲大師於是尸利沙樹園

中住亦何所爲我和上大師皆已滅度我今
不能復下閻浮提住此般涅槃說言已入
禪定中踊在虛空身放光明又出水火手摩
日月現種種神變自心出火烧身身中出水
四道流下至大迦葉所水中有聲說此偈言
橋梵鉢提替首禮下妙衆第一大德僧
三聞佛滅度我隨去下如大象去象子隨
尔時下座比丘持衣鉢還禮是時中間阿難
思惟諸法求盡殘漏其衣坐禪經行懇勩求
道是阿難智慧多定力少是故不即得道定

智等者乃可速得後夜欲過疲極偃息却卧
就枕頭未至枕廓然得悟如電光出暗者見
道阿難如是入金剛定破一切諸煩惱由得
三明六神通共解脫作大力阿羅漢即夜到
僧堂門敲門而喚大迦葉問言敲門者誰答
言我是阿難大迦葉言汝何以來阿難言我
今夜得盡諸漏大迦葉言不與汝開門汝從
門齋孔中來阿難答言可尔即以神力從門
齋孔中入禮拜僧足懺悔大迦葉莫復見責
大迦葉手摩阿難頭言我故爲汝使汝得道

汝無嫌恨我亦如是以汝自證譬如手畫
空無所染著阿羅漢心亦如是一切法中得
無所著後汝本坐是時僧復議言橋梵鉢提
已取滅度更有誰能結集經藏長老河泥盧
豆言是長老阿難於佛弟子常近佛聞經
能持佛常嘆譽是阿難能結集經藏是時長
老大迦葉摩阿難頭言佛囑累汝令持法藏
汝應報佛恩佛在何處最初說法佛說大弟
子能守護法藏者皆以滅度唯汝一人在汝
今應隨佛心憐愍衆生故集佛法藏是時阿

難禮猶已坐師子座時大迦葉說此偈言
佛聖師子王難阿難是佛子師子座處坐
觀衆無有佛如是大德衆無佛失威神
如夜無月時可虚空不明淨汝太智人說
汝佛子當演何處佛初說今汝當布現
是時長老阿難一心合掌向佛涅槃方如是說
佛初說法時自念時我不見如是展轉聞
佛在波羅奈本佛爲五比丘初開甘露門
說四真諦法阿若集滅道諦長阿若騰陳如
最初得見道八萬諸夫衆皆亦入道跡

是千阿羅漢聞是語已上昇虚空高七多羅
樹皆言無常力大如我等眼見佛說法今乃
言我聞矣○靈鷲山者大論三右曰耆闍名
鷲山形似鷲故共傳云鷲峯山矣

新記曰下引考叔以況目連註云云乃至倫匹

左傳云者隱公元年右見如記引○封人者
書言故事大全一左六曰封人掌封疆之官也
矣○君者書經集註八右曰君者尊之稱
也矣○賦者孟子七十七曰賦猶取矣○群有
者首書筆削記一之右曰群有衆也矣○

大士者同曰發大心信大法解大義修大行
證大道趣大果非其小流故云大士矣

經曰善男子若比丘比丘尼國王太子乃至僧

比丘者行願品疏鈔六五十一曰鈔新云苾芻

唐云具淨西天有苾芻草矣華嚴疏鈔六十

一三十一淨名疏一三四○尼者妙文句二一十四

六曰尼者天竺女人通名矣說文一七

疏曰迷曰雖貴賤品隔僧俗道殊自非乃至也

新記曰貴即國主宰相賤即萬民庶人乃至也

宰相者書言故事大全九五曰相轉相也取

其主君事而輔君心也矣○三公者前漢書

十九二曰太師太傅太保是為三公註應疏

曰師訓也傅覆也保養也師古曰傅相也矣

○四生者大論七十五二首經四上二十圓覺

疏三三解如常○說文云者一二十

新記曰佛無悲喜者據自行也乃至一化境也

悲喜者金光明文句記六末六十曰悲昔不

聞今喜自得聞矣釋要鈔二三十四曰悲喜者

傷憂深也矣○設盆者義楚六帖二十二左

曰弘明云梁武每於七月十五日僧等送盆

供養以車日送續日連矣

疏曰述曰所修必假行門所獲必由心乃至利

願者圓覺疏四十三日願者希求樂欲義矣大

論七帝曰願力如車矣

新記曰初釋所教人佛弟子者稟師教乃至解

弟子者要覽上二大部補注六二〇法余者

行願品疏鈔一五

疏曰述曰智度論云信力故受念力故乃至力

智度論云者五十六之左見

經曰時目連比丘四輩弟子歡喜奉行

歡喜奉行者行願品疏鈔六六十一日文殊問

經曰說有三種義歡喜奉行說者清淨不

取著名利所染故二所說清淨以如實知法

躰故三智果清淨即說益也亦陳事既周時

眾獲益聞法者種善於胸懷受導者奉言以

行學各流通未聞矣

疏曰述曰四輩者僧尼士女或云人天乃至存

入天者行願品疏鈔六八十一日天者有四一

名天如世國王名天子一生天名天下從

四天王天上至悲想非非想天中有情也三

淨天但於人中得聖果名爲淨天有自在義
故四生淨天謂二十八天中諸聖人是也今
言天者四中取第二生天矣○龍者別行疏
六五十八左曰龍有四種一守天宮殿持令不落
人間屋上作龍像之爾二興雲致雨益人間
三龍決江開瀆四伏藏守轉輪主大福人
藏矣○劬勞者後漢書二左曰孝明皇帝聖
德淳茂劬勞日具矣說文一十七曰劬勞也矣

新記曰初叙恩深厥其也生靈語通且目四

引詩者詩經集註九五十四左見○法門者釋論

記一七三曰法所入法也門能入門也矣○靈
驗者通今記下五十四左曰靈驗即目連現事則
脫苦趣也矣

孟蘭盆經疏新記標指鈔卷五終

孟蘭盆經疏證卷五

觀音跋

總著跋今時不
正十日靈劍
目數與事類
詰一十日去
人志出門頭
大門出矣○靈

跋大蘇

盆經疏記行于世也尚矣而至
近世講習益盛也蓋孝也百行
之本眾戒之源而四輩共履之
要路也宜乎我斯徑之熾也然
疏記之為作也言簡而涉內外
義豐而統眾典以故講者或瞽

其文義之所本單阿法師余之
社友也持名之暇涉獵空墳漢
典之次詳其所出拔萃其文錄
為之標指鈔初不敢加私見意
歎公之其志可謂篤矣為世之
乏乎墳典者倦乎周覽者未必
有無大補云爾

皆

延寶辛酉七月十五日

獅聲 野衲 忍澁 跋



加納村
光賢寺

